

# 金剛經的道次第研讀十講

林崇安教授編講

內觀教育基金會

2025.04

## 金剛經的道次第研讀十講

### 編講者序

金剛經的內容有甚深見和廣大行二要旨。甚深見是無我正見的運用，廣大行是菩薩從初發心到成佛的實踐。

此處所編的《金剛經的道次第研讀十講》，是參考無著菩薩所造的《金剛般若論》，以無我正見結合菩薩道的道次第來解說成佛的整個歷程。首先將金剛經的經文分成 36 段以及十八個道次第，而後配合「a 如是住、b 如是修行、c 如是降伏其心」來掌握中道要義，此為本研讀的特色。

編講者解說時將附註（※或\*）標示在經文中，至於【參考資料】則列於第十講之末。今將此編成的佛法教材，以投影片遠距講解，並由智軍同學錄製成影片，登上網站與眾分享。

願正法久住！

林崇安  
內觀教育基金會  
2025.04

## 目錄

[經文 1-3]資料,經名,結構【因緣分】 .....	4
[經文 4-5]【正行分】第 1~2 道次第 .....	6
[經文 6-9]【正行分】第 3~4 道次第 .....	7
[經文 10-13]【正行分】第 5~8 道次第.....	9
[經文 14-16]【正行分】第 9~11 道次第 .....	11
[經文 17-19]【正行分】第 12~14 道次第 .....	13
[經文 20-22]【正行分】第 15~17 道次第 .....	16
[經文 23-27]【正行分】第 18 道次第 A1-A5.....	18
[經文 28-32]【正行分】第 18 道次第 A6,B1-B5 .....	20
[經文 33-36]【正行分】第 18 道次第 A6,B6.【奉行分】 .....	23

## 金剛經的道次第研讀 1

### [經文 1-3]資料,經名,結構【因緣分】

林崇安教授編講

#### ●金剛經的教材資料

《金剛般若波羅蜜經》，姚秦鳩摩羅什譯。

《能斷金剛般若波羅蜜多經》唐玄奘譯。

《金剛般若論》，無著菩薩造，隋達磨笈多譯。

《金剛般若波羅蜜經論》，無著菩薩造，隋達磨笈多譯。

#### ●金剛經名的意義

金剛者，細、牢故。細者智因故，牢者不可壞故。

又如畫金剛形，初、後闊，中則狹，如是般若波羅蜜中：

狹者，謂淨心地。

初、後闊者，謂信行地、如來地。



清 金剛杵

文物圖檔編號：K1D000711N000000000PAB

朝代：清

類別：雜項

功能：法器

質材：礦物/金屬/

說明文：

金剛杵。兩端首作五股式，摩羯首銜之，托以蓮瓣。手執處光素。附皮盒，與另件銅鈴成套。(故雜710)密宗佛教中，金剛杵為諸尊之持物或修法的道具，能破除魔障。五股杵代表五智五佛。

【圖片來源：故宮典藏資料檢索開放資料】

#### ●《金剛經》的經文結構

◆以下教材將鳩摩羅什的全經譯文分為三分和 36 段。

◆【因緣分】經文 1-3[分三節]

(1) 緣起

(2) 種性不斷

(3) 發起行相 ( 發起加行之義相 )

◆【正行分】經文 4-35[分三地，配十八個道次第]

(1) 信心地：經文 4-21 [配第一到第十六道次第]

(2) 淨心地：經文 22[配第十七道次第]

(3) 如來地：經文 23-35[配第十八道次第]

◆【流通分】經文 36[完]

●《金剛般若波羅蜜經》鳩摩羅什譯，以下將全經經文分 36 段，並依次配上十八個道次第。

【因緣分】《金剛經》經文 1-3[分三節]

(第 1 節) 緣起

【1】經曰：

◎如是我聞：

一時，佛在舍衛國祇樹給孤獨園，與大比丘眾千二百五十人俱。

◎爾時，世尊食時，著衣持鉢，入舍衛大城乞食。於其城中次第乞已，還至本處。飯食訖，收衣鉢。洗足已，敷座而坐。

(第 2 節) 種性不斷

【2】經曰：

◇時長老須菩提在大眾中，即從座起，偏袒右肩，右膝著地，合掌恭敬。而白佛言：「希有！世尊。如來善護念諸菩薩，善付囑諸菩薩。」

(第 3 節) 發起行相 (發起加行之義相)

【3】經曰：

◇「世尊！善男子、善女人，發阿耨多羅三藐三菩提心，a 云何應住？(玄奘：b 云何修行？) c 云何降伏其心？」

◎佛言：「善哉！善哉！須菩提！如汝所說，如來善護念諸菩薩，善付囑諸菩薩。汝今諦聽，當為汝說。

善男子、善女人，發阿耨多羅三藐三菩提心，a 應如是住 (玄奘：b 如是修行)，c 如是降伏其心。」

◇「唯然！世尊！願樂欲聞。」

———— 第一講完，待續 ————

## 金剛經的道次第研讀 2

### [經文 4-5]【正行分】第 1~2 道次第

林崇安教授編講

#### 【正行分】經文 4-35[配十八個道次第]

##### ▼第一道次第：發心

【4】經曰：

◎佛告須菩提：「諸菩薩摩訶薩，應如是降伏其心：

**a** 所有一切眾生之類—若卵生、若胎生、若濕生、若化生；若有色、若無色；若有想、若無想、若非有想非無想，我皆令入無餘涅槃而滅度之。✽ 欲.願.悲.智.聲聞.獨覺.無上菩提。

**b** 如是滅度無量無數無邊眾生，實無眾生得滅度者。

**c** 何以故？須菩提！若菩薩有我相、人相、眾生相、壽者相，即非菩薩。」

##### ▼第二道次第：波羅蜜相應行

【5】經曰：

◎復次，**a**「須菩提！菩薩於法應無所住，行於布施。

**b** 所謂不住色布施，不住聲、香、味、觸、法布施。

**c** 須菩提！菩薩應如是布施，不住於相。何以故？若菩薩不住相布施，其福德不可思量。」

◎「須菩提！於意云何？東方虛空可思量不？」

◇「不也，世尊！」

◎「須菩提！南、西、北方、四維、上、下虛空，可思量不？」

◇「不也，世尊！」

◎「須菩提！菩薩無住相布施✽，福德亦復如是不可思量。須菩提！菩薩但應如所教住！」

✽布施分 財施。〔無畏施〕。

〔法施〕

配六度：布施。〔持戒.忍辱〕。

〔精進.禪定.智慧〕

得果報：福德（色身）

智慧法身

—— 第二講完，待續 ——

## 金剛經的道次第研讀 3

### [經文 6-9]【正行分】第 3~4 道次第

林崇安教授編講

#### ▼第三道次第：欲得色身

【6】經曰：

◎「須菩提！於意云何？a 可以身相見如來不？」

◇「不也，世尊！不可以身相得見如來。

何以故？b 如來所說身相，即非身相。」

◎佛告須菩提：c 「凡所有相皆是虛妄。※若見諸相非相，即見如來。」

※見諸相[色身]與非相[色身無我、自性空]。二諦。

#### ▼第四道次第：欲得法身 ( A1 和 A2 )

##### A1 言說法身

【7】經曰：

◇須菩提白佛言：a 「世尊！頗有眾生得聞如是言說章句，生實信不？」

◎佛告須菩提：「莫作是說！如來滅後，後五百歲，有持戒修福者，於此章句，能生信心，以此為實。當知是人，不於一佛、二佛、三四五佛而種善根，已於無量千萬佛所種諸善根，聞是章句，乃至一念生淨信者；須菩提！如來悉知悉見，是諸眾生得如是無量福德。

b 何以故？是諸眾生，無復我相、人相、眾生相、壽者相；※無法相，亦無非法相。何以故？

※法：出世間法。※非法：世間法。是諸眾生若心取相，即為著我、人、眾生、壽者。

若取法相，即著我、人、眾生、壽者。何以故？

若取非法相，即著我、人、眾生、壽者。

是故不應取法，不應取非法。

c 以是義故，如來常說：

汝等比丘！知我說法，如筏喻者；法尚應捨，何況非法！」

※法：出世間法。※非法：世間法。

## A2 證得法身 ( B1 和 B2 )

### B1 智相法身

【8】經曰：

◎ a 「須菩提！於意云何？如來得阿耨多羅三藐三菩提耶？如來有所說法耶？」

◇ b 須菩提言：「如我解佛所說義，無有定法，名阿耨多羅三藐三菩提；亦無有定法如來可說。何以故？

c 如來所說法，皆不可取、不可說；非法、非非法。所以者何？一切賢聖，皆以\*無為法而有差別。」

\*無為法：無我、自性空。差別：安立。

### B2 福相法身

【9】經曰：

◎ 「須菩提！於意云何？a 若人滿三千大千世界七寶，以用布施。是人所得福德，寧為多不？」

◇ b 須菩提言：「甚多。世尊！何以故？是福德，即非福德性，是故如來說福德多。」

◎ 「a 若復有人，於此經中，受持乃至四句偈等，為他人說，※其福勝彼。何以故？須菩提！一切諸佛，及諸佛阿耨多羅三藐三菩提法，皆從此經出。

b 須菩提！所謂\*佛法者，即非佛法[義淨：c 是名佛法]。」

※持經的福德勝彼布施。

\*佛法：波羅蜜及念處等菩提分法。

金剛經三原則的應用
a [如是住] 所欲追求的良善目標
b [如是修行] 正確的方法與實踐
c [如是攝伏其心] 放下我執與煩惱

—— 第三講完，待續 ——

## 金剛經的道次第研讀 4

### [經文 10-13]【正行分】第 5~8 道次第

林崇安教授編講

#### ▼第五道次第：[於修時通達而無我慢]

【10】經曰： ※[a 如是住, b 如是修行, c 如是降伏其心]

◎「須菩提！於意云何？a 須陀洹能作是念，我得須陀洹果不？」

◇須菩提言：「b 不也。世尊！何以故？」

a 須陀洹名為入流，b 而無所入；不入色、聲、香、味、觸、法，c 是名須陀洹。」

◎「須菩提！於意云何？a 斯陀含能作是念，我得斯陀含果不？」

◇須菩提言：「b 不也。世尊！何以故？」

a 斯陀含名一往來，b 而實無往來，c 是名斯陀含。」

※不、無、實無：無獨立自存的我，即無我；

無獨立自存的性質，即自性空。

(a 世俗諦. b 勝義諦. c 中道)

◎「須菩提，於意云何？a 阿那含能作是念，我得阿那含果不？」

◇須菩提言：「b 不也。世尊！何以故？」

a 阿那含名為不來，b 而實無不來，c 是故名阿那含。」

◎「須菩提！於意云何？a 阿羅漢能作是念，我得阿羅漢道不？」

◇須菩提言：「b 不也。世尊！何以故？」

b 實無有法名阿羅漢。c 世尊！若阿羅漢作是念，我得阿羅漢道，即

為著我、人、眾生、壽者。世尊！佛說我得無諍三昧，人中最為第一，是第一離欲阿羅漢。世尊！我不作是念，我是離欲阿羅漢。

世尊！我若作是念，我得阿羅漢道，世尊則不說須菩提是 a 樂阿蘭那行者，b 以須菩提實無所行，c 而名須菩提是樂阿蘭那行。」

#### ▼第六道次第：不離佛出時[多聞]

【11】經曰：

◎佛告須菩提：「於意云何？a 如來昔在然燈佛所，於法有所得不？」

◇「b 不也，世尊！如來在然燈佛所，於法實無所得。」

▼第七道次第：願淨佛土

【12】經曰：

◎「須菩提！於意云何？**a 菩薩莊嚴佛土不？**」

◇「**b 不也**。世尊！何以故？

**a 莊嚴佛土者，b 即非莊嚴，c 是名莊嚴**※。」

※金剛三句型(a 世俗.b 勝義.c 中道)

◎「**c 是故**，須菩提！諸菩薩摩訶薩，應如是**生清淨心**，不應住色生心，不應住聲、香、味、觸、法生心，**應無所住而生其心**※。」

※生起莊嚴佛土的清淨心。(六祖壇經引用)

▼第八道次第：成熟眾生[不捨眾生]

【13】經曰：

◎須菩提！**a 譬如有人，身如須彌山王**※，於意云何？是身為大不？」

◇須菩提言：「**a 甚大**。世尊！何以故？**b 佛說非身，c 是名大身**。」

※此譬喻以阿修羅王代表欲界眾生，而菩薩不捨眾生。

—— 第四講完，待續 ——

金剛經三原則的應用
a. [如是住]：以善法欲與願，追求良善的目標
b. [如是修行]：正確的方法與實踐(含止觀雙運、根本智)
c. [如是攝伏其心]：於日常生活面對順逆境，放下我執與煩惱。訓練心不隨境轉 (含後得智)

## 金剛經的道次第研讀 5

### [經文 14-16]【正行分】第 9~11 道次第

林崇安教授編講

#### ▼第九道次第：[遠離隨貪無益之外論] ※

【14】經曰：

◎「須菩提！如恆河中所有沙數，如是沙等恆河，於意云何？是諸恆河沙寧為多不？」

◇須菩提言：「甚多。世尊！但諸恆河尚多無數，何況其沙？」

◎「須菩提！我今實言告汝，若有善男子、善女人，以七寶滿爾所恆河沙數三千大千世界，以用布施，得福多不？」

◇須菩提言：「甚多。世尊！」

◎佛告須菩提：「若善男子、善女人，a 於此經中乃至受持四句偈等，為他人說，而此福德勝前福德※。」

※受持金剛經之福德，勝七寶布施，更勝無益之外論。

◎復次：「須菩提！a 隨說是經乃至四句偈等，當知此處，一切世間天人阿修羅皆應供養，如佛塔廟。何況有人盡能受持、讀誦。須菩提！當知是人成就最上第一希有之法。若是經典所在之處，即為有佛、若尊重弟子[菩提流支譯：若尊重似佛]。」

◇爾時，須菩提白佛言：「世尊！當何名此經？我等云何奉持？」

◎a 佛告須菩提：「是經名為金剛般若波羅蜜，以是名字，汝當奉持。所以者何？須菩提！a 佛說般若波羅蜜，b 則非般若波羅蜜，[玄奘：c 是故如來說名般若波羅蜜多]。」

◎須菩提！於意云何？a 如來有所說法不？」

◇須菩提白佛言：「世尊！b 如來無所說。」

#### ▼第十道次第：[於破影相有善巧※]

【15】經曰：

◎「須菩提！於意云何？a 三千大千世界\*所有微塵，是為多不？」

※謂情器世界如影相。善巧，指先由微塵破我執，再廣大到情器世界。

又作：於色之有情身遠離執為整體之加行。

\*菩薩欲求滅除對情器世界的執著。

◇須菩提言：「甚多。世尊！」

◎「須菩提！**a** 諸微塵，**b** 如來說非微塵，**c** 是名微塵。**a** 如來說世界，**b** 非世界，**c** 是名世界\*\*。」

\*\*第一句是緣起的世俗諦。

第二句的非：特指無獨立自存的我或性質，  
即無我或自性空，此屬勝義諦。

第三句顯示中道。

▼第十一道次第：供養給侍如來[具福資糧] ※

【16】經曰：

◎「須菩提，於意云何？可以 **a** 三十二相見如來不？」

◇「**b** 不也。世尊！不可以三十二相得見如來。何以故？

**a** 如來說三十二相，**b** 即是非相，**c** 是名三十二相。」

※三十二相是福德資糧的果報，故要追求因：供養給侍如來。

———— 第五講完，待續 ————

## 金剛經的道次第研讀 6

### [經文 17-19]【正行分】第 12~14 道次第

林崇安教授編講

#### ▼第十二道次第：[遠離懈怠.利養等] \*

【17】經曰： \*得福多而懈怠.利養

◎「須菩提！ a 若有善男子、善女人，以恆河沙等身命布施，若復有人於此經中乃至受持四句偈等，為他人說，其福甚多！」

◇爾時須菩提聞說是經，深解義趣，涕淚悲泣而白佛言：「希有世尊！佛說如是甚深經典，我從昔來所得慧眼未曾得聞如是之經。世尊！若復有人得聞是經，信心清淨，即生實相※。當知是人成就第一希有功德。世尊！ a 是實相者， b 則是非相， c 是故如來說名實相。

※實相：真實想，即正確的辨別。

三原則：a 如是住，b 如是修行，c 如是攝伏其心

世尊！ a 我今得聞如是經典，信解受持不足為難，若當來世後五百歲，其有眾生，得聞是經，信解受持，是人則為第一希有。何以故？ b 此人無我相、人相、眾生相、壽者相，所以者何？我相，即是非相\*；人相、眾生相、壽者相，即是非相。何以故？離一切諸相，則名諸佛。」 \*相：想。非相：諸想都無我而不執著。

◎佛告須菩提：「如是，如是！若復有人，得聞是經，不驚、不怖、不畏，當知是人，甚為希有。何以故？須菩提！ a 如來說第一波羅蜜， b 即非第一波羅蜜， c 是名第一波羅蜜。」 ※

※玄奘本又說：如來說最勝波羅蜜多，謂般若波羅蜜多。

#### ▼第十三道次第：忍苦

【18】經曰：

◎「須菩提！ a 忍辱波羅蜜， b 如來說非忍辱波羅蜜， c 是名忍辱波羅蜜。

何以故？須菩提！如我昔為歌利王割截身體，我於爾時，無我相、無人相、無眾生相，無壽者相。何以故？我於往昔節節支解時，若有我相、人相、眾生相、壽者相，應生瞋恨。

須菩提！又念過去於五百世，作忍辱仙人，於爾所世，無我相、無人相、無眾生相、無壽者相。

是故，須菩提！**a** 菩薩應離一切相，發阿耨多羅三藐三菩提心，**b** 不應住色生心，不應住聲、香、味、觸、法生心，應生無所住心。若心有住，即為非住。是故佛說菩薩心不應住色布施。須菩提！菩薩為利益一切眾生故，應如是布施。**a** 如來說一切諸相，**b** 即是非相；**a** 又說一切眾生，**b** 即非眾生。

須菩提！如來是真語者、實語者、如語者、不誑語者、不異語者。須菩提！如來所得此法，此法無實.無虛※。

※勝義無我.世俗有緣起因果

須菩提！**c** 若菩薩心住於法，而行布施，如人入闇，則無所見。若菩薩心不住法，而行布施，如人有目日光明照，見種種色。」

#### ▼第十四道次第：離三昧味 [具智資糧]

【19】經曰：

◎「須菩提！**a** 當來之世，若有善男子、善女人，能於此經受持、讀誦，則為如來，以佛智慧，悉知是人，悉見是人，皆得成就無量無邊功德。

須菩提！若有善男子、善女人，初日分以恆河沙等身布施；中日分復以恆河沙等身布施；後日分亦以恆河沙等身布施，如是無量百千萬億劫，以身布施。

若復有人，聞此經典，信心不逆，其福勝彼。何況書寫、受持、讀誦、為人解說。

須菩提！以要言之，是經有不可思議，不可稱量，無邊功德，如來為發大乘者說，為發最上乘者說，**b** 若有人能受持、讀誦、廣為人說，如來悉知是人、悉見是人，皆得成就不可量、不可稱、無有邊、不可思議功德，如是人等，即為荷擔如來阿耨多羅三藐三菩提。何以故？須菩提！若樂小法者，著我見、人見、眾生見、壽者見，則於此經不能聽受、讀誦、為人解說。須菩提！在在處處，若有此經，一切世間，天、人、阿修羅所應供養，當知此處，則為是塔，皆應恭敬，作禮圍遶，以諸華香而散其處。」

◎復次，須菩提！善男子、善女人受持、讀誦此經，若為人輕賤，是人先世罪業應墮惡道。以今世人輕賤故，先世罪業，則為消滅，當得阿耨多羅三藐三菩提。

須菩提！**c**我念過去無量阿僧祇劫，於然燈佛前，得值八百四千萬億那由他諸佛，悉皆供養承事，無空過者。若復有人，於後末世，能受持、讀誦此經，所得功德，於我所供養諸佛功德，百分不及一，千萬億分，乃至算數譬喻所不能及。須菩提！若善男子、善女人，於後末世，有受持、讀誦此經，所得功德，我若具說者，或有人聞，心則狂亂，狐疑不信。須菩提！當知是經義不可思議，果報亦不可思議。」

—— 第六講完，待續 ——

## 金剛經的道次第研讀 7

### [經文 20-22]【正行分】第 15~17 道次第

林崇安教授編講

#### ▼第十五道次第：[於現觀時遠離執我想]

【20】經曰：

◇ 爾時須菩提白佛言：「世尊！善男子、善女人發阿耨多羅三藐三菩提心，**a**云何應住？[玄奘：**b**云何修行？]**c**云何降伏其心？」

◎佛告須菩提：「善男子、善女人發阿耨多羅三藐三菩提心者，當生如是心※：**a**我應滅度一切眾生。**b**滅度一切眾生已，而無有一眾生實滅度者。**c**何以故？須菩提！若菩薩有我相、人相、眾生相、壽者相，則非菩薩。所以者何？須菩提！實無有法發阿耨多羅三藐三菩提心者。」

※此處的發心是加行道的發心，而經初的發心是資糧道的發心。

#### ▼第十六道次第：遍求教授※

【21】經曰：

◎「須菩提！於意云何？**a**如來於然燈佛所，有法得阿耨多羅三藐三菩提不？」  
※得無上正覺之教授

◇**b**「不也。世尊！如我解佛所說義，佛於然燈佛所，無有法得阿耨多羅三藐三菩提。」

◎佛言：「如是！如是！須菩提！實無有法如來得阿耨多羅三藐三菩提。

**b**須菩提！若有法如來得阿耨多羅三藐三菩提者，然燈佛即不與我授記：『汝於來世當得作佛，號釋迦牟尼。』以實無有法得阿耨多羅三藐三菩提，**c**是故然燈佛與我授記，作是言：『汝於來世，當得作佛，號釋迦牟尼。』何以故？如來者，即諸法如義。

**a**若有人言：如來得阿耨多羅三藐三菩提，**b**須菩提！實無有法佛得阿耨多羅三藐三菩提。**c**須菩提！如來所得阿耨多羅三藐三菩提，於是中\*無實.無虛。是故如來說一切法，皆是佛法。

\*勝義.中道[唯世俗]

須菩提！**a**所言一切法者，**b**即非一切法，**c**是故名一切法。

※**a** 世俗.**b** 勝義.**c** 中道

▼第十七道次第：證道（現觀.見道.淨心地）

【22】經曰：

- ◎a「須菩提！譬如人身長大※。」 ※譬喻智生
- ◇須菩提言：「世尊！如來說 a 人身長大，b 則為非大身，c 是名大身\*。」 \*a 世俗.b 勝義[根本].c 中道[後得]
- ◎「須菩提！菩薩亦如是。若作是言：『我當滅度無量眾生。』則不名菩薩。b 何以故？須菩提！實無有法名為菩薩。是故佛說：『一切法，無我、無人、無眾生、無壽者。』」

—— 第七講完，待續 ——

## 金剛經的道次第研讀 8

### [經文 23-27]【正行分】第 18 道次第 A1-A5

林崇安教授編講

#### ▼第十八道次第：上求佛地（分 A1 到 A6）

修道：[A1 國土清淨具足；A2 無上見智清淨具足；A3 福自在具足；A4 身具足；A5 語具足；A6 心具足] → 圓滿時成佛

#### A1 國土清淨具足

【23】經曰：

◎「須菩提！若菩薩作是言：a『我當莊嚴佛土。』是不名菩薩。何以故？

a 如來說莊嚴佛土者，b 即非莊嚴，c 是名莊嚴。※

須菩提！若菩薩通達無我法者，如來說名真是菩薩。」

※a 世俗.b 勝義.c 中道

#### A2 無上見智清淨具足

【24】經曰：

◎a「須菩提！於意云何？如來有肉眼不？」

◇「如是，世尊！如來有肉眼。」

◎「須菩提！於意云何？如來有天眼不？」

◇「如是，世尊！如來有天眼。」

◎「須菩提！於意云何？如來有慧眼不？」

◇「如是，世尊！如來有慧眼。」

◎「須菩提！於意云何？如來有法眼不？」

◇「如是，世尊！如來有法眼。」

◎「須菩提！於意云何？如來有佛眼不？」

◇「如是，世尊！如來有佛眼。\*」 \*無上見清淨

◎「須菩提！於意云何？如恆河中所有沙，佛說是沙不？」

◇「如是，世尊！如來說是沙。」

◎「須菩提！於意云何？如一恆河中所有沙，有如是沙等恆河，是諸恆河所有沙數，佛世界如是，寧為多不？」

◇「甚多。世尊！」

◎a 佛告須菩提：「爾所國土中，所有眾生，若干種心，如來悉知 \*。  
\*無上智清淨

何以故？a 如來說諸心，b 皆為非心，c 是名為心。

所以者何？須菩提！過去心不可得，現在心不可得，未來心不可得。」

### A3 福自在具足

【25】經曰：

◎「須菩提！於意云何？a 若有人滿三千大千世界七寶，以用布施，是人以是因緣，得福多不？」

◇「如是，世尊！此人以是因緣，得福甚多。」

◎「須菩提！b 若福德有實，如來不說得福德多，以福德無故，c 如來說得福德多。」

### A4 身具足※

【26】經曰：

◎「須菩提！於意云何？a 佛可以具足色身見不？」

◇b「不也，世尊！如來不應以具足色身見。何以故？

a 如來說具足色身，b 即非具足色身，c 是名具足色身。」

◎「須菩提！於意云何？a 如來可以具足諸相見不？」

◇「不也，世尊！b 如來不應以具足諸相見。何以故？

a 如來說諸相具足，b 即非諸相具足，c 是名諸相具足。」

※報身有 32 相與 80 隨形好

### A5 語具足

【27】經曰：

◎「須菩提！汝勿謂如來作是念：a 我當有所說法。莫作是念！何以故？

b 若人言如來有所說法即為謗佛，不能解我所說故。

須菩提！a 說法者，b 無法可說，c 是名說法。」

### A6 心具足 [下一講]

—— 第八講完，待續 ——

## 金剛經的道次第研讀 9

### [經文 28-32]【正行分】第 18 道次第 A6,B1-B5

林崇安教授編講

#### A6 心具足 ( 分 B1 到 B6 )

( B1 為念處 ; B2 為正覺 ; B3 為施設大利法 ; B4 為攝取法身 ; B5 為不住生死涅槃 ; B6 為行住清淨 )

##### B1 為念處※

【28】經曰：

◇爾時，慧命須菩提白佛言：「世尊！**a** 頗有眾生，於未來世，聞說是法※，生信心不？」

※修道位菩薩圓滿四念處等法，也使眾生對念處等法生信心。

◎佛言：「須菩提！**b** 彼非眾生，**c** 非不眾生。何以故？須菩提！**a** 眾生.眾生者，**b** 如來說非眾生，**c** 是名眾生。」

##### B2 為正覺

【29】經曰：

◇須菩提白佛言：「世尊！**a** 佛得阿耨多羅三藐三菩提，為無所得耶？」

◎佛言：「如是！如是！**b** 須菩提！我於阿耨多羅三藐三菩提乃至無有少法可得，**c** 是名阿耨多羅三藐三菩提。復次，須菩提！是法平等，無有高下※，是名阿耨多羅三藐三菩提。

※諸佛與所得正覺之法皆是無我。

**b** 以無我、無人、無眾生、無壽者，修一切善法，**c** 則得阿耨多羅三藐三菩提。

須菩提！**a** 所言善法者，**b** 如來說即非善法，**c** 是名善法。」

##### B3 為施設大利法※

【30】經曰：       ※以般若度眾生。

◎「須菩提！若三千大千世界中，所有諸須彌山王，如是等七寶聚，有人持用布施。**a** 若人以此般若波羅蜜經，乃至四句偈等，受持、讀誦，為他人說，於前福德，百分不及一，百千萬億分.乃至算數譬喻所不能及。」

◎「須菩提！於意云何？汝等勿謂如來作是念：a『我當度眾生。』  
須菩提！莫作是念！何以故？b實無有眾生如來度者。c若有眾生如  
來度者，如來即有我、人、眾生、壽者。

須菩提！如來說有我者，則非有我，而凡夫之人，以為有我\*。

\*如來於定中度眾生[凡夫]，屬大利法。

須菩提！a凡夫者，b如來說則非凡夫，c是名凡夫。」

#### B4 為攝取法身※

【31】經曰：

◎「須菩提！於意云何？可以三十二相觀如來不？」

◇須菩提言：「如是！如是！以三十二相觀如來。」

◎佛言：「須菩提！若以三十二相觀如來者，轉輪聖王即是如  
來。」

◇須菩提白佛言：「世尊！如我解佛所說義，不應以三十二相觀如  
來。」※

◎爾時，世尊而說偈言：

若以色見我，以音聲求我，是人行邪道，不能見如來。

※a從字面看，不是以三十二相安立如來，故是以智法身來安立如來。

b.從勝義看，要以體證三十二相無我的智法身來安立如來。

◎「須菩提！汝若作是念：『如來不以具足相故，得阿耨多羅三藐三  
菩提。』須菩提！莫作是念：『如來不以具足相故，得阿耨多羅三  
藐三菩提。』」

#### B5 為不住生死.涅槃

【32】經曰：

◎「須菩提！汝若作是念：發阿耨多羅三藐三菩提心者，說諸法斷  
滅。莫作是念！何以故？a發阿耨多羅三藐三菩提心者，於法不說  
斷滅相※。 ※棄捨眾生而住涅槃

須菩提！b若菩薩以滿恆河沙等世界七寶持用布施。若復有人知一  
切法無我，得成於忍※，此菩薩勝前菩薩所得功德。

※忍：認可無我正見

c何以故？須菩提！以諸菩薩不受福德故\*。」 \*不住生死

◇須菩提白佛言：「世尊！云何菩薩不受福德？」

◎「須菩提！菩薩所作福德不應貪著，是故說不受福德。」

## B6 為行住清淨[下一講]

—— 第九講完，待續 ——

【比對】羅什版：爾時，世尊而說偈言：

若以色見我，以音聲求我，是人行邪道，不能見如來。

義淨版：若以色見我，以音聲求我，是人起邪觀，不能當見我。

應觀佛法性，即導師法身，法性非所識，故彼不能了※。

※佛有法身和色身。法身分智法身和自性身。智法身就是一切相智。自性身有二：1.一切相智的空性或法性[自性清淨法身]，2.遠離二障及習氣的滅諦[離垢清淨法身]。凡夫難以了知法性和法身。

## 金剛經的道次第研讀 10

### [經文 33-36]【正行分】第 18 道次第 A6,B6.【奉行分】

林崇安教授編講

#### B6 為行住清淨 ( 分 C1 到 C3 )

( C1 威儀行住,C2 於名.色之身善修自在之行住,C3 無雜染之行住 )

##### C1 威儀行住

【33】經曰：

◎「須菩提！若有人言：a『如來若來、若去；若坐、若臥。』是人 b 不解我所說義。何以故？

a 如來者，b 無所從來，亦無所去，c 故名如來。」※

※比對： a 佛說如來，b 即非如來，c 是名如來。

##### C2 於名.色之身善修自在之行住

【34】經曰：

◎「須菩提！a 若善男子、善女人，以三千大千世界碎為微塵；於意云何？是微塵眾，寧為多不？」

◇須菩提言：「甚多。世尊！何以故？若是微塵眾實有者，佛則不說是微塵眾。所以者何？

a 佛說微塵眾，b 即非微塵眾，c 是名微塵眾。

世尊！a 如來說三千大千世界，b 則非世界，c 是名世界。何以故？若世界實有者，即是一合相※。a 如來說一合相，b 則非一合相，c 是名一合相。」

※一合相：玄奘本作一合執。義淨本作聚執。

◎「須菩提！一合相者，則是不可說，但凡夫之人，貪著其事。」

◎「須菩提！若人言：『佛說我見.人見.眾生見.壽者見。』須菩提！於意云何？是人解我所說義不？」

◇「不也，世尊！是不解如來說義。何以故？

a 世尊說我見.人見.眾生見.壽者見，b 即非我見.人見.眾生見.壽者見，c 是名我見.人見.眾生見.壽者見。」

◎「須菩提！發阿耨多羅三藐三菩提心者，於一切法，應如是知、如是見、如是信解，不生法相※。 ※法相：法想

須菩提！a 所言法相者，b 如來說即非法相，c 是名法相。」

### C3 無雜染之行住※

【35】經曰：

◎「須菩提！若有人以滿無量阿僧祇世界七寶，持用布施。a 若有善男子、善女人，發菩提心者，持於此經，乃至四句偈等，受持、讀誦，為人演說，其福勝彼。b 云何為人演說？不取於相，如如不動

※。 ※菩薩修道最後一剎那，以金剛喻定斷最細雜染而成佛，此後行住與演說都在定中。

何以故？c 一切有為法，如夢、幻、泡、影，如露、亦如電\*，應作如是觀。」

\*一切有為法，包含一切情器世間。

菩提流支、義淨等九喻：如星、翳、燈、幻、露、泡、夢、電、雲。

### 【奉行分】

【36】經曰：

◎佛說是經已，長老須菩提及諸比丘、比丘尼、優婆塞、優婆夷，一切世間天、人、阿修羅，聞佛所說，皆大歡喜，信受奉行。#

## 【金剛經總結】

### ▼《金剛經》的結構：36 段經文與次第

#### 【因緣分】經文 1-3

( 1 ) 緣起, ( 2 ) 種性不斷, ( 3 ) 發起行相.

#### 【正行分】經文 4-35 [細分十八道次第]

( 1 ) 信行地：經文 4-21,

( 2 ) 淨心地：經文 22,

( 3 ) 上求如來地：經文 23-35.

#### 【流通分】經文 36 #

### ▼金剛經的十八道次第

#### ( 1 ) 信行地：第 1-16 道次第

1 發心,2 波羅蜜相應行,3 欲得色身,4 欲得法身,5 [修時通達而無我慢],6 不離佛出時[多聞],7 願清淨佛土,8 成熟眾生,9[不隨貪無益之外論],10[於破影相有善巧],11 供養給侍如來[具福資糧],12 [遠離懈怠利養等],13 忍苦,14 離寂靜味[具智資糧],15[於現觀時離執我想],16 求教授.

( 2 ) 淨心地：第 17 道次第：證道[諦現觀].

#### ( 3 ) 上求如來地：第 18 道次第 ( 分 6 )

1 國土清淨具足,2 無上見智清淨具足,3 福自在具足,4 身具足,5 語具足,6 心具足. #

### ▼須菩提三問

a 云何應住? [玄奘等：b 云何修行?] c 云何降伏其心?

### ▼金剛經三原則

a [如是住]：以善法欲，追求良善的目標。

b [如是修行]：正確的方法與實踐 ( 含止觀雙運.根本智 )。

c [如是攝伏其心]：心處中道，不隨境轉，完成目標 ( 含後得智 )。

### ▼三句型舉例說明

a 所言善法者，b 如來說即非善法，c 是名善法。

a 佛說微塵眾，b 即非微塵眾，c 是名微塵眾。

【說明】a 世俗諦,b 勝義諦,c 中道 ( 離斷常兩邊 ) #

**【參考資料】**

( 1 ) 金剛經的道次第教材, 2025.

 <https://www.ss.ncu.edu.tw/~calin/textbook2008/U2a.pdf>

( 2 ) 金剛經的要義, 2010.

 <https://www.ss.ncu.edu.tw/~calin/textbook2008/U2b.pdf>

—— 第十講完，吉祥圓滿 ——

## 佛法教材系列 Y

書名：《金剛經的道次第研讀十講》

編講：林崇安教授

出版：桃園市內觀教育基金會

網址：<https://www.insights.org.tw>

倡印：內觀教育禪林

通訊：桃園市大溪區頭寮路 355 之 5(內觀教育禪林)

出版日期：2025 年 04 月

歡迎倡印，免費結緣

「金剛經的道次第研讀十講」播放清單的連結為：

<https://bit.ly/金剛經的道次第研讀十講>

